

weren, in fruntschap adir im rechten geslichtet unde hen geleet
 weren. Worde ok yenich adir mer herren adir sust ymant, dem adir
 den wy von eren unde rechtis wegen neyner bileggungen beplichtet
 weren, welcher namen werde unde achte si weren, fiende der vorge-
 schreven unser frunde adir off sy dy adir dy oren ane feide beschedigeden 5
 adir vorunrehteden, tu dem adir den willen sy, wenne unse frunde
 vorgeschreven dat van uns eysschen, schriuen unde senden unde vor
 unse frunt den adir die truwelicken bidden unde vorkundighen, dat wy
 oris rechten mechtich sin; unde wollen sick der adir dy an rechte
 nicht laten genugen unde unsen frunden unde den oren ok rechtis ple- 10
 gen bynnen den negesten vir weken na der vorkundigunge, so willen
 wy dar umbe utgande den vir weken dy unsen kegen dy oren up
 legelicke unde bequeme stede schicken to vorhandelen, war mede sul-
 ken feyden schaden unde unrechte nuttest to begegenen si; unde wes
 dy von beyden sijden dar over eyn dragen werden, dat sal man so 15
 uthalden ane geverde; unde an sulker wise sollen wi dat ok kegen
 eynander holden, off sy adir dy oren, wy ader dy unsen, von ymande
 gedrunge adir ut unser richter gerichte in utewendich wertlich adir
 geistlich recht adir gerichte gemanet geeysst adir geladen worden
 weder orer adir unse friheide gnade privilegia unde gewonheyde. Wy 20
 wollen ok unsen frunden vorgeant unde den oren gunnen unde gesta-
 den in unser stad to kopen vuder spise unde gedrencke unde dat von
 uns in ore stad to furenne, wenne si des bedorffen, doch unschedelich
 tolln geleyden unde andern gewonheyden. Wy wollen ok orer fiende,
 dy uns witlicken sin adir namhafftich von on gemaket worden, met 25
 wetenschap in unser stad nicht husen heghen noch vordedingen, se
 weren denne met unser wetenschap daryn geleidet. Wurden aver ore
 fiende, dy wy nicht geleidet hedden, angeverdiget in unser stad met
 gerichte von unsen frunden vorgeschreven adir van den oren, wes wy
 denne selves to rechte kegen on adir to redelicher fruntschap nicht 30
 mechtich weren, umbe den wolden wy uns nicht annemen, sunder sy
 recht an dem ane unse hindernisse erfodern laten unde on dat ok
 truwelicken, war wy dat met fugen mochten, don to gude halden,
 unde willen ok oren fienden adir beschedigern, dy uns witlick sin adir
 worden, neyne spise gedrencke vuder harnasch noch perde vorkopen 35
 lien noch geven, et were denne dat wy by plicht sulves also irmanet
 worden, dat wy met den vorgeschreven borgern unde stad mosten ane
 geverde to feiden komen. Queme ok icht in unse stad, dat unsen
 frunden ader den oren affgerovet gestolen adir sust met unrechter ge-
 walt entbracht edder affgedrunge were, wenne wy des inne werden 40
 adir uns van on adir von den oren vorkundiget wert, so willen wy dat
 bestedigen unde uphalden, so lange wente dat sy adir dy oren dar to
 komen unde ore rechticheit dar an irfordern mogen, unde willen ok
 anders in unser stad nicht husen halden kopen immemen hegen noch
 vordedinghen dat on adir den oren gerovet adir gestolen worde, ut- 45
 genomen wat in feyden geschege, off dy twisschen orer unde unser
 stad toqueme, als vorgeschreven is, dar god twisschen sy. Wurden